

# BÅETIJE BIEJVIEH



## PSST! IT GO LEAT GULLAN? BOAHTTEVUOHTA LEA SÁMI!

NSRa nuoraidlávdegoddi bovde dál sámi nuoraid Guovdageidnui bargobádjái skábmamánu loahpageahčen. Manne? Danne go mii ja Sápmi dárbbáša du, du višuvnnaid ja du ángiruššama sámi boahhteáiggi huksemii. **Danin go boahttevuotta lea du!**

## SÁPMI DÁRBBAŠA DU!

Juohke beaivvi dahkkojit mearrádusat mat sihke sáhttet ja šaddet váikkuhit du boahhteáigái ja danin lea dehálaš ahte DON ángirušat! Sámi servodahkii leat stuorra hástalusat ovddosguvlui go sii leat bahkkemin min eatnamiidda ja čáziide, mis váilot sámi oahpponeavvut ja sámezielat oahpaheaddjit ja sámi mánát ja nuorat gártet ain dáistalit oažžundihtii sámi ja sámezielat oahpahusa norgga skuvllavuogádagas. Ollu dáin politihkálaš surggiin sáhttet muhtomin orrut váddásat áddet ja fáhtet – muhto dan mii áigut njulget!

Mii háliidit láchčit sámi nuoraide sámi politihka ja politihkálaš áššiid áddehahtti vugiiguin, nu ahte ii galgga dárbbášit diehtit visot álbmotrievtti, oahpahušlága dahje riddoguolástusa earrevuogádaga vai áddešii sámi áššiid.

## KEEP CALM AND DECOLONIZE

Dekoloniseren soaitá orrot veahá issoras, muhto dan gal ii leat! Jáhkkinis de leat jo dekoloniseremin. Dekoloniseren lea vuoiga ahte lea rámis iežas identitehttain. Bargobájis beasat oahppat eanet



GOAS: SKÁB. 29.-30. BEIVVIID 2018  
GOS: GUOVDATEAINNUS  
GEAT: BUOT SÁMI NUORAT

JENNI LAITI  
GOVVEN: CARL-JOHAN UTSI

dekoloniserema birra ja makkár reaidduid sáhtát geavahit dekoloniseremis.

Beasat gullat mo sáhtát hástalit iežat, iežamet ja servodaga višuneret sámi servodaga boahteáiggi! Bargobájis beasat maid oahppat árbevirolaš sámi retorihka, juoigama, sáhkko-speallama ja NVDA-ákšunismma. Báji ulbmil lea movttidahttit ja doarjut nuoraid iežaset dáidduide ja máhttui luohttit ja ahte buohkain lea vejolašvuotta váikkuhit iežaset ja Sámi boahteáigái.

Norgga Sámiid Riikkasearvi lea kutur-politihkkálaš searvi ja politihkkálaš ángiruššan dáidaga bokte lea seamma dehálaš oassi demokratijas go “dábálaš” politihkkema bokte. Mii háliidit veahkehit du bajidit jienat ja iežat eavttuid vuodul ángiruššat.

Bargobaji jođiha sámi dáiddár ja aktivista Jenni Laiti. Jenni Laiti geavaha aktivismma ja dáidaga iežas ángiruššamis ja atná dáidaga reaidun mainna beassá ovddidit politihkkalaš áigumušaid. Laiti lea oassin dáiddaservodagas Suohpanterroris, mii lea dovddus iežas politihkkálaš ja hásttuheadji govain.

## PROGRÁMMA

Prográmma sáddejuvvo buot oasseváldiide go vuolgga lahkona. Gaskavahkku šaddá mátkkoštanbeaivi buohkaide geat servet nuoraidbargobádjái. Seamma eahkeda mii ovtastallat ja oahpásnuvvat nubbi nuppiin.

**Duorastaga** skáb. 29.b dii. 09.00 – 17.00  
lágiduvvo bargobádjái

**Bearjadaga** skáb. 30.b - 09.00 rájes lágiduvvo  
riikačoahkin

## PRAKTIHKKALAŠ DIEĐUT

NSR gokčá mátkkegoluid, borramuša ja orruma. Bargobádjái lea dorvvolaš ja gárrenmirkkokeahtes báiki gos buohkat galget dohkkehuvvot nu mo leat sidniduvvon. Jos dárbbášat erenoamáš fuolaheami dahje heiveheami de geahččalit lámččit dili nu bures go sáhttit.

## MÁTKKOŠTEAPMI

Mátkkošteapmi sohppo ovttaskasain go lahkona nuoraidseminára. Čállingoddi máksá ja diŋgo girdi mátkkiid nu jođánit go vejolaš maŋjel go leat diedihan iežat nuoraidseminárii. Jus leat mátkkošteame Davvi-Romssas dahje Finnmárkkus de geahččalit mii du mátkki heivehit ovtas earáin geat vulget Guovdageidnui du guovllus. Mátkkebuvttadusat busiin, fatnasiin, biillain dahje togain máksojit maŋjel konferánsa. Seailut BUOT guittiid mátkkegoluin. Mii eat buvttat taxirehkegiid, jus ii leačča sohpon čállingottiin ovdagihtii.

## DIEĐIHEAPMI

Mis leat ráddjejuvvon sajit konferánsa oassálastimii, nu ahte diedit fal iežat nu jođánit go vejolaš! Diedihanáigemearri lea skábmamánu 6.beaivi. FUOM: Vuoruhit oassálastid gaskal 13 ja 26! Fertet leat NSR miellahttu vuoi beasat searvat. Jus it leat miellahttu ovdalaččas de sáhtat diedihit miellahttovuoda go boadát konferansii.

**Diedit iežat dán liŋka bokte:**

<https://goo.gl/forms/uZtWVTG1so4salmH3>

**Bargobáji lea dorjon “Herreløs Arv” nammasaš doarjjaortnet.**



GOVVEN: MARIE LOUISE SOMBY